

地

倭漢三才圖會

加3
136
69

末之二十九
山草類





和漢三才圖會卷第九十二之末目錄

山草類

下卷



白及

胡黃連

秦艽

防風

升麻

延胡索

三七

當藥

柴胡

獨活

苦參

貝母

黃連

黃芩

前胡

土當歸

白鮮皮

山慈姑

和漢三才圖會

山草類

卷九十二之末

目錄一

本草綱目 卷之二十一

石蒜 マビロシ

白茅 シロガサ

香茅 タチノハ

龍膽 リウタン

及已 ヒツシ

白微 シロヒ

百兩金 ヒヤクニョウキン

罷草 ヒヤクニョウキン

茅花

鐵色箭 テツシキヤ

菅茅 シヤウマウ

芒 マウ

細辛 サイシン

鬼督郵 キツクウ

白前 シロゼン

紅葶花 ベニヒツキ

紫陽花 ムラサキヤウカ

水仙 スイセン

黃茅 ワウマウ

絲芒 シマウ

杜衡 トカク

徐長卿 シロキョウケイ

草犀 クサシ

唐松草 カラマツクサ

繡線菊 シウセンキク

女郎花 メグロウカ

元日草 ゲンニチクサ

歪頭菜 ヒヤウダウサイ

舌頭菜 ゼツダウサイ

尖刀兒草 センタウエークサ

佛指甲 ブツシヤウ

珍珠菜 チンジュサイ

山葱 ヤマニギ

刈萱 キリウサ

夾竹桃 ケツク

紫雲菜 ムラサキクモサイ

螺壓兒 シラサ

山裏果兒 ヤマウラヒ

拐棗 クワイサウ

木桃兒 キタウチ

羽子伊草 ウヂノイグサ

箱根草 ハコネクサ

草尾 クサビ

匙頭菜 シウダウサイ

鯽魚鱗草 シラサ

惠連草 ケイレンクサ

風輪菜 フウリンサイ

金剛刺 キョウカク

山神錫杖 ヤマノカミシヤウ


和漢三才圖會

卷之二十一

本草綱目

卷之二十一

岐良卒草



和漢三才圖會卷第九十二之末

山草 下卷

攝陽 城醫法橋寺島良安 尚順編



白及

ろくじん
ろけい

白給 甘根
連及草

金光明經謂之
因達羅喝悉多

俗云紫蘭
又云紫蕙

本綱白及生山谷葉似初生椴苗葉及藜蘆三四月抽一
莖開花長寸許紅紫色中心如舌十月實熟黃黑色冬凋
其根如菱有三角白色連及而生角頭生芽有臍如鳧莖
之臍又如扁扁螺紋紋性難乾
氣味 若甘微寒性瀉
陽中陰能入肺止血生肌治瘡
畏杏仁
反烏頭

鼻衄不止 清調白及末塗山根上 湯火傷 調白及末海
 打跌骨折 酒調白及末二錢服其 散裂 白及末水調
 △按白及俗云紫薺也其花紅紫色初香時如筆頭及樞
 子形既開時如蘭花而中心有舌



三七

山漆金木換

本綱三七春生苗夏高三四尺葉似菊艾而勁厚有波尖
 莖有赤核夏秋開黃花蕊如金絲盤結可愛而氣不香花
 乾則吐絮如苦蕒根葉味甘云是三七而根大如牛蒡
 根與南中來者不類恐是劉寄奴之屬甚易繁衍又其根
 有黃黑色團結者狀畧似白及根長者如老乾地黃有節

頗似人參之味或云試法以末摻猪血中血化為米者乃
 真用之合金瘡如漆粘物故名山漆又云其葉左三右四
 故名蓋恐不然

氣味甘微苦 陽明厥陰血分之藥故能治一切血病與

騏驎竭紫錘黃金之相同近時始出南人軍中為金瘡

要藥云有奇功凡折撲傷損漆血淋漓者隨即嚼爛罨

之即止青腫者即消散若受杖時先服一二錢則血不

衝心杖後宜服之產後服亦良葉同切

吐血衄血 山漆根一錢 赤痢血痢 山漆三錢研末米

大腸下血 婦人血崩 或三七研末調酒亦可也

男婦赤眼 十分重者以山漆四物湯中亦可也

△按三七血分之藥人皆所識也又養金魚如將死時採

山漆葉入汁於魚口即活故魚池傍必植之無名瘡癩

梅葉敷之

本草綱目卷之九 黃連 王連 支連



黃連

和名交末久作

本綱黃連苗似茶叢生一莖生三葉高尺許夏冬不凋四月開黃色花六月結實似柰子色亦黃根連珠而色黃丸節堅重相擊有聲者為勝漢末取蜀和黃肥而堅者為善唐時不同如此大抵有二種

一種根粗無毛有珠如鴈雞爪形而堅實色深黃一種根多毛而無珠中虛黃色稍淡各有所宜

氣味苦寒氣 可升可降陰中陽入手少陰心經為治火之主藥五臟六腑皆有火平則治動則病故 治心臟之火則生用 治肝膽之實火則以酒洗 治肝膽之虛火則以醋洗 治上焦之火則以酒洗

治中焦之火則鹽水或朴硝炒 治下焦之火則鹽水或朴硝炒

治氣分濕熱之火則湯炒 治血分塊中伏火則乾漆炒

治食積之火則土炒 諸法不獨為之引道其用有六瀉心瀉火去中焦濕熱諸瘡必用去風

黃連治痢為君藥然如氣實初病熱多血痢服之便止不必盡劑虛而冷者慎勿輕用

△按黃連出賀州金澤者最良越前者次之俗呼日蝦黃連佐渡越後與州羽州因州信州皆次之



胡黃連

割取露澤

本草綱目卷之九 胡黃連

本綱胡黃連出波斯國生海畔陸地今南方亦有之其性味刃用似黃連初生似蘆乾則似楊柳枯枝心黑外黃折之塵出如煙者乃為真其根頭似鳥嘴折之內似鸚鵡眼者良

氣味苦寒 主傷寒咳嗽發熱大小便赤如血補肝膽明

自理腰腎主兒疳痢鎮痲驚

△按倭用當藥克胡黃連形狀大異不可以類也故令禁稱胡黃連

正字未詳

俗云世年不利



當藥

てんざり

△按當藥播州三木郡多有之苗高五六寸一根數莖其莖細而淡紫色葉似地膚草而小七月開花形似桔梗

花而小色黃有無花者根細長黃色

氣味大苦 倭方丸散諸蟲積聚藥入用或有代胡黃連

用之者不可今人用深兒衫衣黃色也云能避蚤虱

條苓



まじん

腐腸 空腸

片苓



ハシキン

內虛 妬婦

枯苓



經苓 黃文 印頭 苦督郵



黃苓

本綱黃苓川蜀河東陝西多有之苗長尺餘莖幹粗如筋葉從地四面作叢生類紫草高一尺許亦有獨莖者葉細長青色兩兩相對六月開紫花根如知母粗細長四五寸氣味微苦而甘涼 浮而外陽中陰也入手少陽陽明經其用有九瀉肺熱去上焦皮膚風熱風濕去諸熱三利胸中氣四消痰膈五除脾經諸濕六夏月頂用七婦人產後養陰退陽安胎九酒炒上行主上部積血

非此不能除下痢膿血腹痛後重身熱久不能止者與
 芍藥甘草同用之凡諸瘡痛不可忍者宜芍連苦寒之
 藥也 山茱萸龍骨為之使惡葱實畏丹砂牡丹菘蘆
 得厚朴黃連止腹痛得五味子牡蠣有子得黃芪白欬赤
 小豆療肩癢得柴胡退寒熱得桑白皮瀉肺火得白木胎
 ○宿苓又云片舊根多中空外黃內黑謂之宿苓瀉肺
 火利氣消痰除風熱清肌表之熱
 ○條苓又云新根多內實謂之條苓瀉大腸火養陰退
 陽補膀胱寒水滋其化源



秦艽

ツインキセツ

秦艽 秦艽瓜

和名都加里久佐
 一云波加里久散

本綱秦艽生山谷其根土黃色而相交斜長一尺以來粗
 細不等枝幹高五六寸葉婆婆連莖梗俱青色如蒿芭葉
 六月中開花紫色似葛花當月結子其根羅紋相交者佳
 氣味微甜 陰中微陽可升可降入手陽明經兼入肝膽
 故手足不遂黃疸煩渴之病瀉之取其去陽明之濕熱
 也陽明有濕則身體酸疼煩熱也葛蒲為之使
 核秦艽往昔本朝亦有之今乃無

山柴胡



銀柴胡



茈胡

同紫

地黃 芸蒿
 山茱 茹草
 和名乃世利
 又云阿末安
 加奈

本綱柴胡二月生苗甚香莖青紫堅硬微有細線葉似柃
 葉而稍緊小七月開黃花根淡赤色似前胡而強生丹州
 者結青子與他處者不類其苗有數品如竹葉者為勝如

韭葉者次之如和蒿者最下也

銀州之產長尺餘而微白且軟不易得謂之銀柴胡為最上銀州即今延安府神木縣

北地之產亦如前胡而軟入藥亦良謂之北柴胡

南土之產不似前胡正如蒿根強硬不堪使用近時有

一種根似桔梗沙參白色而大以偽充銀柴胡不可用

氣味苦微寒陽也升也手足少陽厥陰四經藥也

行手足少陽以黃芩為佐在臟主血在經主氣欲上升

則用根以酒浸欲中及下降則用梢

治傷寒寒熱為最要之藥傷寒外亦諸有熱則加之無熱

則不加也又能引胃氣上行又諸癰以柴胡為君婦人

產後血熱必用之勿令犯火便無効半夏為之使

△按柴胡倭亦有鎌倉河原之二種以鎌倉柴胡為最上

唐人亦求之美稱

鎌倉柴胡根縮短長者二寸許淡赤色本相州之產而

今多出於武陽者良日向薩摩肥後之產次之

河原柴胡根稍長四五寸許紫赤色出於豐州白木者

良阿波備前安藝紀伊能登佐渡越後次之但赤紫者

為上純紫者次之淡白者為下



前胡

前胡

俗云美都波多佐

ツエシフク

本綱前胡生下濕地有數種春生苗高一二尺青白色似

斜蒿葉如野菊而細瘦穢時可食秋月開騷白花類蛇床

子花根皮黑肉白有香氣為真大抵北地者為勝前胡北

野蒿根甚相似而味粗酸苦誤用之令人及胃不受食

氣味苦微寒又

陽中之陰降也乃手足太陰陽明之藥

能下氣故治痰熱喘嗽痞膈嘔逆諸疾氣下則火降痰

亦降矣所以有推陳致新之績為痰氣要藥此與柴胡
治證雖同而所入所主則異以半夏為使 惡皂莢
△按前胡味始苦其倭黃形狀氣味有異同蓋漢之前胡亦
有數種則其中異種者乎和州金剛山之產為上防州
及蔡州廣島備中平福之產次之苗高一二尺葉似桑
葉而無鋸齒兩兩對生八九月開黃花似旋覆花有白
花者並十月結實有稜似牽牛子黑色

東防風



石防風



防風

- 銅芸 回芸
- 蘭根 百枝
- 屏風 回草
- 百蜚

和名波萬須加 又云波萬仁加奈

本綱防風其莖葉俱青綠色莖淡而葉淡似青蒿而短小
春初嫩時紫紅色作菜茹五月開細白花中心攢聚作木
房似蒔蘿花實似胡荽子而大根土黃色與蜀葵根相類

石防風 珊瑚名珊瑚 生山石之間二月末嫩苗作菜辛甘而

香五月開白花根如蒿根而黃粗醜此乃防風之種也
氣味甘溫氣 浮而升陽也手足太陽經之本藥治風通

用身半已上風邪用身身半已下風邪用稍治風去濕
之仙藥也風能勝濕故爾又云防風治一身盡痛乃卑
賤之職隨所引而至乃風藥中潤劑也若補脾胃非此
引用不能行

防風能制黃芪黃芪得防風其功愈大乃相畏而相使
者也 得葱白能行周身 得澤瀉藁朮本療風

凡使以黃色而潤者為佳白者不佳又頭者令人發狂
又尾者發人痼疾惡藜蘆白欬乾薑荒花 畏葶藶 殺附子毒

△按防風初生葉形類老芥葉而淡綠一莖二三葉其莖
赤紫相抱生稍長葉圓尖有鋸齒而淡青色其嫩時和
醋未醬茹之極爽口五月開花結子其花實如上說其
根入藥有削防風瀆防風二種猶唐之東防風 石防風之二種

濱防風者細而微黃色為勝雲州勢州若州最佳日向因
播次之遠列參列海濱沙地甚多有各處防風之
削防風者大而白色為次豫州之產為上日向及五島之
產次之



獨活

羌活 長生草
羌青 獨搖草
護羌使者
胡王使者

トツホ

和名宇止
云豆知多良

本綱獨活羌活一物二種也正如川芎撫芎白朮蒼朮之
義入用藥微有不同春生苗葉如青麻六月開花作叢或
黃或紫結實時葉黃者是夾石土所生葉青者是土脉中
所生此草得風不搖無風自動故有獨活獨搖之名
古方但用獨活無羌活今方俱用以紫色而節密者為羌
活黃色而作塊虛大者為獨活今人用土當歸充獨活不

可不辨土當歸白肉黑皮氣

獨活微温甘苦

此與細辛同用

氣味俱薄浮外陽也

足少陰行經氣藥也

羌活性温辛苦

此與川芎同用

氣味俱薄浮外陽也

手足太陽經風藥也

羌活 主治

足太陽風濕相搏頭痛肢節痛一身盡痛者
獨活 足少陰伏風頭痛兩足濕痺不能動止者

△按獨活二三月生苗似蘆筍而有節有短毛青碧色而
紫黃白微斑且有小點謂之獨活芽為蔬和酸茹之香
美可賞既長高四五尺一椹五葉有細鋸齒面背皆有
細毛六月開白花作叢婆娑如絲毛秋結實以根上近
莖帶紫處為羌活以根株塊而黃色處為獨活如白朮
蒼朮之分別蓋花形色倭漢不同今將來之羌活間有
無節者是疑土當歸矣止擇用倭羌獨可也備中平福
之產佳藝州廣島者次之羽列最上獨活芽有長二二
尺者太柔可食總關東之產太長畿內之產僅五七寸

一種有削卷活久氣味不可用

土當歸

佐波字也

本綱土當歸根長近尺許白肉黑皮氣亦芬香如白芷氣人亦謂之水白芷用充獨活解散亦或用之

△按此俗云澤獨活都管草 生田野苗高一尺許葉似土當歸有重臺根似卷活頭歲長有節 按歲音歪歲裏不正



升麻

周麻

和名止里乃阿之徒云字太加久佐

本綱升麻春生苗高二尺以來葉似麻葉並青色四五月着花似粟穗白色六月以後結實黑色根如蒿根紫黑色

多鬚今人取裏白外黑而緊實者謂之鬼臉升麻蓋其葉似麻其性上升故名升麻

氣味甘若微寒氣味甘若微寒 浮升陽也為足陽明大陰引經的藥得葱白白芷亦入手陽明太陰引石膏止陽明齒痛人參黃芪非此引之不能上行得柴胡引生發之氣上行得葛根能發陽明之汗升麻葛根湯乃陽明發散藥若初病太陽證便服之發動其汗必傳

和其害也 其用有四手足陽明引經也外陽氣於至陰之下也去至高之上及皮膚風邪也治陽明頭痛也外麻和漢同而甜有微但葉似榆而長有微毛為異耳 河州金剛山者良備中平福豐前中津之產次之



クウスイ

和名久良个
云未比里久左

苦參

- 苦識 苦骨
- 地槐 水槐
- 菟槐 驕槐
- 野槐 白莖

本綱苦參生山谷田野其根黃色長五七寸許兩指粗細三五莖並生苗高三四尺以來葉碎青色極似槐葉春生冬凋其花黃白色七八月結實作角如蘿蔔子角內有子二三粒如小豆而堅又有無花子者

氣味至苦 氣沉純陰足少陰腎經君藥也最治風熱瘡疹除心腹結破癥瘕殺疳蟲惡貝母及絲漏蘆伏承及藜蘆制雌黃煇礬

凡苦參黃蘗之苦寒皆能補腎惟腎水弱而相火勝者用之宜若火衰精冷真元不足及年高之人不可用也

△按苦參形狀和漢同而丹波之產最良淡州豫州今治藝州廣島次之帶黑色者不可



三才圖會

本草必讀所圖



ペツスエンハイ

白鮮皮

- 白羶 白半鮮
 - 金雀兒椒
 - 地半鮮
- 和名比豆之文佐

本綱白鮮其苗高尺餘莖青葉稍白如槐亦似茱萸四月開花淡紫色似小蜀葵花根似小蔓菁皮黃白而心實其氣似羊羶鮮者年之氣也故名之其子累累如椒山人采嫩苗為菜茹采根皮為藥

氣味苦寒 性燥善行足太陰陽明經去濕熱藥也兼入

手太陰陽明為諸黃風痺要藥世醫止施之瘡科淺矣

惡標峭枯梗 伏苓草薺

△按白鮮皮往昔出於本朝也今亦丹波及吉野山中有之高三四尺葉似木槿而小六七月開單白花亦似木槿而小根亦似木槿而黃白色俗呼曰寒牟須伊山人

伐之為柴薪即木類也其根以充白鮮皮然和漢大異而葉花亦不相似唐白鮮皮形似筆管而細倭者如山椒木皮而濶故官令禁止賣買



根
玄胡索
本胡索
避宋真宗
諱改玄為

延胡索

延
延

本綱延胡索本出奚國東北今二茅山西種之每辛寒露後栽立春後生苗葉如竹葉樣三月長三寸高根叢生如芋卵樣又如半夏而色黃立夏掘起氣味苦微辛溫可外可降陰中陽入手足太陰厥陰四經能行血中氣滯氣中血滯故專治一身上下諸痛通小便



貝母

荷音 勤母
苦菜 苦花
空草 藥實
和名服个久里
ホイモウ

本綱貝母二月生苗莖細青色葉亦青似蒼麥葉隨苗出七月開花碧綠色如鼓子花八月采根根有瓣子黃白色如聚貝子故名貝母此有數種而其葉或如大蒜或如韭或如枯樓葉而細小蓋其如枯樓者多有之似韭而開白花者罕復見之其子在根下如芋子正白四方連累相着有分解若團不作兩片無皺者號曰丹龍精不入藥用誤服令入筋脉永不收惟以黃精小藍汁服之立解氣味苦辛平能散心胸鬱結之氣乃肺經氣分藥而多愁鬱者殊有功降火消痰清肺治煩熱咳渴療惡瘡

俗以半夏有毒用貝母代之貝母乃太陰肺經之藥也經之何可以代乎貝母厚朴白微為之使惡若虛勞欬嗽吐血咯血肺痿肺癰婦人乳癰癰疽及諸鬱之證半夏乃禁忌皆貝母為向導猶可代也

至於脾胃濕熱涎化為痰久則生火痰火上攻昏憤僵仆寒瀉諸證生死且夕亦豈貝母可代乎

貝母治惡瘡唐人記其事云嘗有商人左膊上有瘡如人面亦無他苦戲以酒滴口中其面赤色以物食之亦能食

多則臍內肉脹起或不食則一臂痺焉有名醫教其歷試諸藥金石草木之類悉無所苦至貝母其瘡乃聚眉閉目

因以小葦筒毀其口灌之數日成痂遂愈然不知何疾也

△按貝母人以小者為佳蓋不可抱大小色正白而作兩片有皺者佳也 本朝亦潞山陰處有之葉如初生麥花似百合而赤或白色其根子白然不鮮明故不敢用



山慈姑

朱姑 鹿蹄草 無義草

俗云燈籠花 又云愚和 又云阿末奈

本綱山慈姑冬月生葉如水仙花之葉而狹二月中枯一莖如箭幹高尺許莖端開花白色亦有紅色黃色者上有黑點其花乃眾花簇成一朶如絲紐成可愛二月結子有三稜四月初苗枯即掘取其根狀如慈姑及小蒜遲則苗腐難尋矣根苗與老鴉蒜極相類但老鴉根無毛此根有毛殼包裹為異爾用之去毛殼但其花與葉不相見人惡種之謂之無義草取根為藥

一種 有圓慈姑根如小蒜 氣味甘微辛 能治粉滓面黚 毒故紫金錠方中入用

用根液療癰疔惡瘡解諸

△按草本花詩譜云金燈花有二種花開一簇五朵金燈色紅銀燈色白皆蒲生分種

出於藝列及四國葉根共如本草說石蒜根有皮無毛四月開花形似梅花尖長鬚有黃與白二種不若本草謂如絲紐成形耳山慈姑甚希也



石蒜

烏蒜 老鴉蒜
水麻 蒜頭草
漣漣酸 一枝箭
俗云死人花 又云彼岸花 曼珠沙華 東國

本綱石蒜下濕地有之春初生葉如蒜秧及山慈姑葉背有劍脊四散布地七月苗枯乃干平地抽出一莖如箭幹長尺許莖端開花四五朵六出紅色如山丹花狀而瓣長黃蕊長鬚其根狀如蒜皮色紫赤肉白此花開後乃生葉葉花不相見也同山慈姑

氣味酢甘溫 治便毒諸瘡搗爛塗之即消若毒大甚者洗淨以生白酒煎服得微汗即愈

△按石蒜者山慈姑之類而山野墳墓邊多有之故俗曰死人花而人家忌之不種者非也唐人呼山慈姑曰無義草惡葉花不相見亦同意也九十月生苗似蒜葉而長有劍脊四散布地紀列人用藉蜜柑籠中四月葉枯徒為空地七月抽一莖尺餘莖端開花七八朵有青節每朵開紅花六出狹長橫簇如深紅絲紐每瓣著赤蓋七筋長而端戴小子形如伊乃牟土而初赤後黃老則花緣變白亦有之秋分盛開故名彼岸花小兒取之寸寸折之脆而皮不絕畧作念珠狀掛頸為戲莖汁臭又法華經曰摩訶曼陀羅華曼珠沙華乃曼陀羅花今云朝鮮牽牛花也曼珠沙花此石蒜也摩訶者共稱其美耳其根似水仙根而不如蒜有隔也塗諸瘡佳或和泥土塗壁則鼠不敢入又搗和繪具書於漆器則不繪滅



鐵色箭

俗云夏水仙

本綱鐵色箭即石蒜之一種者其葉如大韭四五月抽莖
開花如小萱花黃白色花後乃生葉葉花不相見山慈姑
石蒜並同根亦為藥功相似

△按鐵色箭夏開花賞其花俗不名夏水仙也凡冬生苗
葉似水仙而厚微潤有劍脊不尖水仙二月枯此葉四
五月枯故立花者換用水仙葉仍名夏水仙葉枯而後
七月抽莖開花似萱草及牽牛花而白黃色一莖四五
朵開又有黃白帶微赤色者
又不可謂花後生葉謂葉枯後生花而可也



水仙

金盞銀臺

三ノスレ

本綱水仙宜卑濕地不可缺水故名之其根似蒜及薤而
長外有赤皮裹之冬月生葉似薤及蒜春初抽莖如葱頭
莖頭開花數朵大如薤頭狀如酒盃五尖上承葉心宛然
蓋樣其花瑩韻其香清幽栽于肥壤則花茂盛瘦地則無
花五月初收根以童尿浸一宿晒乾懸火煖處若不移痛
根更旺其根為藥

氣味苦微辛 治癰腫及魚骨哽又以花作香澤塗身理
髮或入婦人五心發熱之藥
一種千葉者花綴下輕黃而上淡白不作盃狀人重之指
為真水仙蓋不然乃一物二種爾亦有紅花者

本草綱目卷之四十一 草部 水仙

一種出拂林國者根大如雞卵葉長三四尺似蒜中心抽
條莖端開花六出紅白色花心黃赤不結子冬生夏死
此形狀與水仙彷彿

△按水仙南面岸陰能茂生如遠列駿列向陽地則三四
尺者不多或夏土用中掘其根浸尿晒乾一宿種之則
佳大抵十一月開花近時有七八月開者蓋因培糞之
功也河州志紀郡舟橋村出早華紀列松江之產亦早
千瓣者名玉玲瓏見干畫譜今有千葉淡青色者未見其紅
花者凡眼科取其根細末水飛以點突眼有效絞汁入
眼亦佳又傳麻瘡愈



白茅

根名茹根
蘭根 地筋
茅 和名智
花曰豆波奈
豆與智通

本綱白茅田野處處有之春生茅布地如針俗謂之茅針
亦可噉甚益小兒夏生白花成穗茸茸然結細實至秋而
枯其根甚長白軟如筋而有節乾之夜視有光故腐則變
為螢火

茅根 甘寒 服食斷穀甚良能除伏熱利小便故止諸血

噉逆喘急消渴治黃疸水腫乃良物也

茅針 甘平 即初生苗也通小腸下水治消渴破血治血

及暴下血服之惡瘡軟痛未潰者煮服一針一孔二針

二孔傳金瘡止血

血并痛

△按茅生原野堤塘春月兒女拔茅針為野遊

此茅針也

本草綱目卷之九 雜考 菅茅



菅茅

白華野菅爾雅

俗云智加也
翻上下之名

本綱菅茅生山上似白茅而長入秋抽莖開花成穗如菰花結實尖黑長分許粘衣刺入其根短硬如細竹根無節可入藥功不及白茅

此物...



黃茅

根名地筋
菅根 土筋


俗云加也

本綱黃茅似菅茅而莖上開葉莖下有白粉根頭有黃毛

根亦短而細硬無節秋深開花穗如菅可為索繩蓋白茅

黃茅二物之根狀皆如筋故共名地筋

△按黃茅其根細纖而如絲瓜筋及草薺鬚束之可以磨物呼名宇豆久利出於藝州廣島櫛挽家用之以琢楳



香茅

菁茅 瑤茅

俗云太末保
又云菴草

本綱香茅葉有三脊其氣香芬可以包藉及縮酒

△按香茅葉似菅茅而有三稜微柔軟農家用之作雨衣其穗黃赤色其他茅穗白播州多有之

本草綱目卷之九 雜考 菅茅



芒 同 惹

芭茅 杜榮
芭茅
俗云尾花
又云須木
俗作薄字

本細芒叢生葉如茅而大長四五尺甚快利傷人如鋒刃
七月抽長莖開白花成穗如蘆葦花於花將放時剥其籜
皮可為繩箔草履諸物其莖穗可為掃帚也

石芒折草

生高山如芒而節短五月抽短莖開花亦如
芒花


芒花

△按惹薄字其花作穗而翻翻似物之尾故俗呼名尾花
順和名抄引爾雅云草聚生曰薄新撰萬葉集和歌云
花薄稱波奈須須木

此草以數莖叢生竟以薄為此草名
鬼惹一名常
盤芒

葉潤於常夏冬不凋快利傷人手者也
縵惹之末須
須木

鷹羽芒乃太加
末須保或
云末曾保 葉有白彪如鷹羽者也
登蓮法師問二名何是也高河川丹
南郡下



絲芒

俗云伊止須須木

本綱絲芒即芒之異種葉細如絲線而長三四尺一株數
百莖叢生秋抽莖作花穗以栽庭園賞之



根



龍膽

陵游
和名衣夜美
久佐
一云迹加奈
今云里牟吉丁


本細龍膽宿根黃白色下抽根十餘條類牛膝而短直上
 生苗高尺餘四月生葉如嫩蒜細莖如小竹枝七月開花
 如牽牛花作鈴鐸狀青碧色冬後結子苗便枯俗呼曰草
 龍膽又云葉如龍葵味苦如膽因以名龍膽
 氣味苦寒氣味俱厚 沉而降陰也足厥陰少陽經氣分藥也其
 用有四除下部風濕一除濕熱二治臍下至足腫痛三
 治寒濕脚氣也四下行之功與防已同酒浸則能上行外
 行以柴胡為主龍膽為使治眼中疾必用之藥
 益肝膽之氣而泄火蓋相火寄在肝膽有瀉無補故龍
 膽能瀉肝膽之邪熱也但大苦大寒過服恐傷胃中生
 發之氣反助火邪小豆為之使惡地黃忌鐵
 一種山龍膽苦清 其葉經霜雪不凋山人用治四肢疼
 痛與草龍膽同類而別種也

△按龍膽和漢共用之藝州廣島之產良豐前中津次之

葉似莖而厚九月開花紫如鈴鐸形向上花中有蒼子
 又有正白花者名笹龍膽形狀小



遼細辛



細辛

西細辛

小辛 少辛
 和名美良多祢
 或云比木乃比太
 比久佐

本細細辛山谷處處有之皆不及華陰高麗者葉似小葵
 柔莖細根直而色紫味極辛嚼之習習如椒而更甚於椒
 大抵能亂細辛者甚多皆當以根苗色味細辨之杜衡鬼
 督郵徐長卿白微白前皆能偽細辛

杜衡 葉似馬蹄莖微粗根曲而黃白色味亦辛
 鬼督郵 一莖直上莖端生葉如繖根似細辛微粗直
 而黃白色味辛微苦
 徐長卿 似鬼督郵而色黑者及已也葉似小桑根似

細辛微粗長而黃色味辛而有膿氣
白微 葉似柳而根似細辛粗長黃白色而味苦
白前 似白微而白直味甘

細辛氣味 大辛溫氣 厚于味 陽也升也入足厥陰少陰血分爲

手少陰引經之藥頭面風痛不可缺此香味俱細故入
少陰與獨活相類以獨活爲使治少陰頭痛如神亦止

諸陽頭痛諸風通用之又治邪氣自裏之表
凡水停心下不行則腎氣燥宜辛以潤之細辛之辛以
行水氣而潤燥

口瘡喉痺蠱齒諸病用之者取其能散浮熱亦火鬱則
發之之義也辛能補肝故膽氣不足驚癩眼目諸病宜

用之 得當歸芍藥芩藜白芷牡丹蔓本甘草共療婦
人得决明鯉魚膽共療目痛 惡黃芪山茱萸思生萊菔
肉畏滑石石滑石及菘菜蘆

△按細辛倭漢共用之與州津輕及江州之產良阿波及
豐前小倉之產次之其葉似小葵而青有小白點夏有

開小紫花 聚短根直外黃內白其氣畧如椒雖辛不甚
用細辛藏人參則人參不性 云




杜衡

杜葵 馬蹄香
土鹵土細辛

如布太末賀三
又云豆不祿父左

本綱杜衡春初於宿根上生苗葉似馬蹄狀高二三寸莖
似麥蒿粗細每窠上有五七葉或八九葉別無枝蔓又於
莖葉間罅內蘆頭上貼地生紫花其花似見不見暗結實
如豆大窠內有碎子似天仙子苗葉俱青經霜即枯其根
成空有似飯帚密開細長四五寸粗於細辛微黃白色帶
之可以走馬馬得之健走也市人往往以亂細辛其功雖
不及細辛而 味辛 溫 能散風寒下氣消痰
△按杜衡往昔本朝亦有之今則亡



和名豆木 俗入佐

及已

本綱及已生山谷陰濕軟地二月生苗一莖莖頭四葉隙着白花其葉狀如樟耳其根似細辛而黑味苦有毒入口使人吐血只煎汁傳惡瘡及牛馬諸瘡今人不知及已律往以當杜衡却以杜衡當細辛

△按及已倭名抄載之則往昔本朝可有之今則不識



鬼督郵

獨莖而葉攢其端無風自動故名獨搖獨活與此同名異物

獨搖草

クイニヨユウ

本綱鬼督郵莖似細箭莖高二尺以下葉生莖端狀如傘花生葉心黃白色根橫生而無鬚與及已同類根苗皆相似但以根如細辛而色黃白者為鬼督郵色黑者為及已



徐長卿

和名比世加之美

別仙蹤

徐長卿人名也常以此藥治邪病遂為名

本綱徐長卿生下濕川澤之間苗似小桑兩葉相對三月苗青七八月着子似蘿摩子而小九月苗黃十月凋其根如細辛微粗長黃色而有臊氣氣味辛温治鬼物疫疾温癰蓋鬼督郵徐長卿赤箭之三物皆治鬼病故共有鬼督郵之名名同而物異古者傳舍有督郵之官之亂杜衡其功不同苗亦不同也徐長卿之

亂鬼督郵其苗不同其功同也杜衡之亂細辛則根苗功用皆彷彿乃彌迤而大亂也不可不審

△按徐長卿威靈仙二物誤波羅相混宜辨之

肘後方云凡人登車船煩悶頭痛欲吐者稱之注車注

船俗云船醉徐長卿石長生車前子車下李

根皮四味等分搗碎以方囊繫半合干衣帶及頭上則

免此患疑以此船後之義下畧稱徐長卿曰不奈波良

乎



白微

薇草 白幕
骨美 薺音尾
春草
和名美那之古草
一云久呂久佐
三云阿末奈

本綱白微莖葉俱青頗類柳葉六七月開紅花八月結實其根黃白色類牛膝而短小

氣味苦鹹寒

陽明經藥古方多用治婦人後世罕能知

農政全書云白薇苗高一二尺莖葉俱青頗類柳葉而潤短硬毛漣開花紅色又云紫色結角中有白穉根如牛膝根而短黃白色
△按白微往昔有出於本朝今則亡



白前

石藍 嗽藥
和名能加加美

本綱白前苗高尺許其葉似柳根似白微牛膝葷

但似牛膝粗長堅直易斷者白前也似牛膝短小柔軟能彎者白微也以此別之無差

氣味甘微辛 微溫 手太陰藥保定肺氣治嗽多用以溫藥相

佐使尤佳蓋肺氣壅實而有痰者宜之若虛而長哽氣者不可用

△按白前性昔有出於本朝今乃亡



草犀

ワア。ウスエ

本綱草犀苗高二三尺獨莖對葉而生如燈臺草根如細辛味辛一切毒氣虺根蟲虺所傷並宜燒研服之臨死者亦得活其解毒之功如犀角故名草犀



百兩金

シヨウリョウキン

本綱百兩金生戎州苗高二三尺有幹如木葉似荔枝初生背面俱青結花實後背紫面青凌冬不凋初秋開花青碧色結實大如豆生青熟赤一種河中府出者根如蔓菁赤色莖細青色四月開碎黃花似星宿花五月采根長及一丈



紅苣花

コウキョウカ

草本花詩譜云紅豈花開一蕙十莖藹藹下無五好桃杏其葉瘦如蕙亦可觀也



唐松草

俗稱 正字未詳

△按唐松草生山中春生苗苗稠更生莖葉似人參而細小面青絲背淡三粒五葉四月莖端開白花無葩瓣而匠人如刻成松葉俗稱唐松也花落莖殘其莖青黃色亦似花間布結莖有稜如麥穎而青色
 一種有小唐松莖葉稍小而莖帶紫色其花有白有紫今人家移植甚可愛
 一種有雪黑草高四五寸葉花並似唐松草而白又有淺紅及紫



羅草

俗稱 正字未詳

△按羅草溪山溪谷有之高不過尺細莖一本直立似櫛櫛之輩而厚有尖稜七八葉相層如開蓮中心抽細莖六月開花白色如毛狀似羅毛鞘鎗故俗名之蓋羅即白熊也見獸之部



紫陽花

紫陽花白氏文集
 和名安豆佐為
 俗云安知佐為
 今云加久波奈

△按倭名抄云紫陽花出於白氏文集叢生莖葉似綉

葉而五月開花其形異莖頭出四五朵朵端有未開小花數百顆黃赤色既開則紫色其周匝有大白花十許形似櫻花而總體作方死似署扁板俗呼名署扁花是御入のり

相傳紫陽草葉陰乾煎服能治癩疾
一種有白花者其莖葉與紫陽花同而五月開花其花形大異正白色五瓣小花數百攢成大於綉毬花俗呼之為真安知佐井未審蓋謂紫陽花則紫者可為真其白者一類二種也亦為綉毬之種類不遠也綉毬者即粉團花而木類



繡線菊

俗云之毛豆介

△按繡線菊高一二尺葉似蒲萄葉而小五月開碎花狀

似胡蘿蔔而淡赤色可愛又有白花者
一種樹有繡線菊其樹葉似粉團花而枝頂上開花狀似繡線菊故俗呼曰木繡線菊未審其本名



女郎花

和名手美那倍之

△按女郎花生山麓高二三尺莖有稜理而似蒿之莖枝兩兩對生節際生葉亦對生其葉似三七及前胡葉而細長七月出穗開花最細小正黃色可愛本朝文粹載源順詩曰花色如蒸栗俗呼為女郎者是也隨結子如芳野
花白者名男倍芝オトコヘシ



刈萱

正字未詳

俗云加留加也

△按此草生山原高二三次細莖細葉每五葉兩兩對生八月抽莖開細花狀如景天草及胡蘿蔔花而粒粒青色既開則正黃是亦可謂如燕粟乎隨結子
一云刈萱者莖之類也秋出穗



箱根草

スソノクサ

本名未詳

△按箱根草相州箱根山有之小草苗高六七寸細莖楊

色葉形似銀杏葉而小其根細如絲而短未知其本名相傳云能治產前產後諸血症及痰飲
往羊阿蘭陀人見之稱有良草請採得之甚以為珍

スソノクサ 福壽草

元日草



△按福壽草洛東山溪陰處有之冬枯春生於宿根肥莖高二三寸葉似胡蘿蔔及石長生菜而小歲旦初開黃花似半開菊花人以為珍植盆稱元日草春夏長尺餘生枝條花綻開不堪見
五雜俎云有歲蘭其花同蘭而葉稍異其開必以歲首故名歲蘭此亦元日草一類二種乎



夾竹桃

草本花詩譜云夾竹桃花如桃葉如竹故名然惡濕而畏寒十月初宜置向陽處放之喜肥不可壅



草尾

一名王草 疑謂草王義乎

△按草尾生石縫間葉似和人參葉而淺綠四月開小黃花結角花子共似蕪菁按葉塗爛眼傳瘡腫速効



歪頭菜

農政全書云歪頭菜出山野中細莖就地叢生葉似豆葉而狹長背微白兩葉並生一處開紅紫花結角比豌豆角短小匾瘦葉味甜採葉煤熟油鹽調食



紫雲菜

農政全書云紫雲菜生山野中莖高一二尺莖方紫色對節生葉似山小菜葉頗長抽梗對生葉頂及葉間開淡紫

花其葉微苦採嫩苗葉煤熟水浸淘去苦味油鹽調食



匙頭菜

匙頭菜

全云匙頭菜生山野中作小科苗其莖面窅背圓葉似團匙頭樣有如杏葉大邊微鋸齒開淡紅花結子黃褐色其葉味甜



舌頭菜

舌頭菜

全云舌頭菜生山野中苗葉塌地生葉似山白菜葉而

頭頗圓葉面不皺比小白菜亦厚狀類猪舌形故以為名味苦採葉煤熟水浸去苦味油鹽調食



螺壓兒

螺壓兒

地桑
痢見草

全云螺壓兒草生荒野中莖微紅葉似野人莧葉微長窄而尖開花作赤色小細穗兒葉甘今人用苗水煮服治痢疾甚効



鯽魚鱗草

鯽魚鱗草

農政全書云錦魚鱗草生山野中苗高一二尺莖方而茶褐色對分莖又葉亦對生葉似桔梗葉而微軟薄葉而却微紋皺結間開粉紅花結子如粟粒而茶褐色其葉味甜



尖刀兒草


全云尖刀兒草生山野中苗高一二尺葉似細柳葉而細長而尖兩兩抽莖對生開淡黃花結大角長二寸許鹿如蘿蔔角中有白穰及小區黑子其葉味甜



山裏果兒

山裏紅
映山紅果

農政全書云生山野中枝莖似初生桑條上多刺其葉似菊葉稍圓開白花結紅果大如櫻桃味甜



惠連草

俗稱 紅字

△按惠禮草草在深谷中和列多武峯有之高六七寸獨莖大葉唯二三葉長三寸許似小玉簪葉而不尖三四月頂上開小花淡紫單葉四瓣結子中有細子淡黑色

其根如半夏陰乾以為食傷藥



佛指甲

くわいじん

農政全書云生山谷中苗高一二尺莖微帶赤黃色其葉淡綠背皆微帶白色葉如長匙頭樣似黑豆葉而微寬兩葉對生開黃花結實形如連翹微小中有黑子小如粟粒其葉味甜



拐棗

くわいじん

農政全書云拐棗生山谷中葉似楮葉而尖齒面多皺麻邊有細鋸齒開淡黃花結實狀似生姜拐又而細短深茶褐色味甜

櫻川草



風輪菜

わふうか 俗云櫻川草

風輪菜

全云風輪菜生山野中苗高二尺餘方莖四楞色淡綠微白葉似荏子葉而小邊有鋸齒兩葉對生而葉節間又生子葉極小四葉相攢對生開淡粉紅花其葉味苦

△按風輪菜俗云櫻川草也高二三尺莖中空葉似山漆葉而小三三抱莖生枝極三四寸莖頭開小花粉紅色攢生一一形似牽牛花而極小所圖和漢有小異故出二圖

りんごのさし

珍珠菜



農政全書云珍珠菜生山野中苗高二尺許莖似蒿桿微帶紅色其葉狀似柳葉而極細小頭出穗狀類鼠尾草穗開白花結子小如菜豆粒黃褐色葉味苦澀

木桃兒



農政全書云木桃兒生山中高五尺餘枝條上氣脈積聚為瘡狀類小桃極堅實其葉似楮葉而狹小有細鋸齒開

淡紫花結子似梧桐子而大熟則淡銀褐色味甘可食

らんぼうら 老君鬚

金剛刺



農政全書云金剛刺生山野中料條高二四尺條其上多刺葉似牛尾菜葉又似龍鬚菜葉而大葉間生細絲蔓其葉味甘

かまゆり 隔葱鹿耳葱

山葱



農政全書云山葱生山野中葉似玉簪葉微團葉中攢莖


似蒜苧甚長而澁稍頭結菁莢似葱菁莢微開白花結子
 黑色苗味辣



羽子伊草

正字未詳
 子形似羽
 子故名之
 又云波古乃古

△按羽子伊草生山中野州日光山及處處山中有之葉
 似白蒿葉三月開白花似桔梗花而小六七月結子大
 如無患子而生青熟灰白色皺三葉抽於子形彷彿小
 兒所翫羽子連子葉深食或鹽漬送他邦入暹汁食之
 味不美唯賞珍菓耳



山神錫杖

俗稱
 或云狐錫杖

△按此草生高山山嶺無葉夏開黃花秋結子形似番椒而
 長二二三寸生青熟正紅一莖十余顆畧如錫杖樣故俗
 呼名山神錫杖乾則頗似麥門冬而黑色皮肉厚中有
 細子小於罌子粘肉山人取為藥味甘能治五淋及腹
 痛



岐良牟草

濕草有蛇含草名岐良牟
 功能亦與此似而形狀異

△按岐良草山中小草也備中及近江有之冬枯春生
 苗布地而無枝似茶蘭葉而大柔畧有大鋸齒而不尖
 背微紫二四月葉間開花甚小淡紫色其子小而難見
 取葉陰乾黑燒用麻油塗小兒草瘡一二度即治

蘇

蘇子小蘇鹽子蘇肉山人取魚菜
 蘇山前蘇海腹蘇對麥門冬而黑
 蘇二二二七生青蘇五蘇十蘇
 蘇此草主高山前無葉真蘇



山麻隨妹

蘇子小蘇鹽子蘇肉山人取魚菜

